



Dem Hochwolgeborenen Graven vnnnd
 Herrn/ Herrn Johan dem Eltern/ Graven zu Nassaw/
 Casenelnbogen / Vianden vnnnd Dieß / Herrn zu
 Beyelstein/ &c. meinem gnedigen
 Herrn.

Schwolgeborner Graff / gnedi-
 ger Herr / Es sagt Brusonius lib. 5. cap.
 23. vom Apelle dem kunstreichen Mah-
 ler also: Apelles nam ihm für auß Græ-
 cia in Egyptē zu schiffen / erlitte aber auff
 dem Wege Schiffbruch / in dem er ein Bret erwischt/
 vnnnd kompt auff demselben zu Lande / da stieß er an die
 Meerzäuber / die ihm seine gute Kleider außzogen / vnd
 ihre zerrissene Lumpen antheten / also kam er gen Mem-
 phis oder Alkair in der Betlers gestalt / zoge da nach
 Brot omb / vnnnd machte sich damit in ein Herberg / in
 ein Winckelein / in dem kam ein Hoffjuncker in die Her-
 berg / vnd als er den Betler ersah / sprach er spöttlich zu
 ihm: Höre du Männlein / der König läßt dich auff heut
 zu Nacht zu gast laden. Der arme Apelles antwortet:

A ij Ich